


D. Joannes à Cruce

Kozierowski del. fusi Sanctior Hercules clava  
crucis inferni monstra triumphans.

Fcol. 5133.







SANCTIOR  
HERCULES

CLAVA CRVCIS

Inferni Monstra



TRIUMPHANS,

D. JOANNES

A CRUCE,

Annuâ suæ Festivitatis recurrente die  
In Celeberrima S. MICHAELIS ARCHANGELI  
Basilica, PP. CARMELITARUM Discal-  
ceatorum Cracov:

In Numerofo Magnorum Hospitum Concurfu.

Devotâ Panegyri,

*A*

M. SEBASTIANO JOSEPHO

K O Z I E R O W S K I,

In Alma Universitate Crac: Philosophiæ DOCTORE & Professore.

DEMONSTRATVS.

*Anno quò*  
Magna trophæa-ferens De Capta CrVXstlge Venit.  
*Die 14. Decembris.*

1722

CRACOVIAE, TYPIS UNIVERSITATIS,

*Cracovia*  
*Universitatis*



In Stemma  
ILLUSTRISSIMÆ  
STRUSSOVIANÆ  
DOMUS.



**L** Abuntur fausto STRUSSORVM FLVMINA cursu  
Et sonitu clarum NOMEN ubiq; ferunt  
Audit uterq; Pòlus prægrandia gesta VIRORVM  
Quæ celeri fluctu grata procella sonat.  
Totum jam Lechicum latè diffusa per Orbem,  
Sola perennis adhuc gloria, meta manet.

59671

III



ILLVSTRISSIMO  
<sup>AC</sup>  
MAGNIFICO DOMINO.  
D. ANDREÆ  
DE STRUSSY

STRUSS,  
CASTELLANO BECENSI  
BENDZINENSI &c. CAPITANEO,

Domino & Mecænati  
Amplissimo.



*X* umbroso Academi luco ad publicam  
ILLVSTRISSIMÆ DOMVSTVÆ  
lucem umbratilis properat Facundia.  
& Herculeis fatigata laboribus dulci-  
flua iripit OCEANI TVI lymphâ  
exambis recreari: ILLVSTRIS-  
SIME DOMINE MECANAS.  
Nullibi equidem umbris Academicis  
assueta clarire vultu & serenior fron-  
te micare potuit, quam nativis ILLVSTRISSIMI NOMI-  
NIS TVI circumfusa splendoribus, & nectareis FLVEN-  
TORVM TVORVM refocillata undis, quæ ternò decur-



rentia Oſiô, Polonum Orbem & exornant, & fecundant.  
Non jam invidemus ſeptemplexem Aegypto Nilum, cùm OCE-  
ANVS TVVS ternô in Orbis Sarmatici commoda exundat al-  
veo, quô Lechici inundati Campi fecundam Laurearum pro-  
ferunt meſſem. Euripus hic nulli capiendus Stagyrita quô  
fonte ſua ducat exordia? quô latice in Campos Polonos diffun-  
ditur? prima annotarunt ſecula ex cruenta Gradiui arena  
eundem promaſſe. Labuntur fortunata FLVMINA quô  
vetuſtiore, eò venuſtiore profluviô, & per Regalibus cognata  
Thronis decurrendo faſtigia, eò ſuaviori ſuſurrô Polonum re-  
creant Orbem, quô celſiore erumpunt locô. Vileſcit Gangis Pa-  
ctoliq; aurea procella, cùm ILLVSTRISSIMA STRVSSO-  
RVM FLVENTA neſtareas ripas, & aureos non interruptô ſa-  
culorû tractu volvunt fluctus, quibûs & Solio decorê, & Solo Le-  
chico valorem accumulent. Non ſolum jam Nilum parvum ne-  
mini videre licuit, ubi ILLVSTRISSIMA STRVSSOVIANÆ  
DOMVS FLVMINA per Orbem Polonum diffuſa, exiguô nû-  
quam decurrunt rivô, imò hoſtili Tartarorum, Turcarum, Pruſ-  
ſorum, aucta cruore, ultra Boryſthenem, Iſtrum, & Danubi-  
um exundarunt. Periclitata toties in hoc HELLESPONTO  
perſida hoſtium veſania, & non ſemel triſte paſſa naufragium.  
OCEANVS nempe hic cùm Fortuna Lechica Claſſem ad for-  
tunatas deferat Inſulas, contra hoſtes Patria ferreâ intumeſcit  
tempeſtate, ut veriùs quàm olim Simois & Scamander volvat ſcu-  
ta virûm. DOMVS hæc facunda Heroum Parens, Martis  
Lechici Regia, & heroica fortitudinis ſeminarium. Quot  
Viros produxit, tot ſtrenuos enutrivit Bellatores, qui Patria  
& Marti bellaces litando Animas, vitam cum morte commu-  
tant, ut eam Patria inſpirent. Spectavit admirabundus Orbis  
Polonus duo fulmina belli FELICEM & GEORGIVM  
STRVSSOS, qui igneum in prælia ferentes pectus, Martiali  
animati Spiritu, in denſa Tartarorum ruentes Agmina, & ve-  
riùs quàm olim Romanus Cocles totam Bogdan ſuſtinentes po-  
tentiam, inter ferream grandinem invictas pro Patria poſuerunt  
animas. STANISLAVS de Struſſy STRVS vera Mar-  
tis progenies, dum innatâ ſuæ DOMVI Virtute fortior Alcides,  
Tauricanas enecat Harpyas, in Raſtavienſibus Campis copio-  
ſâ



sâ immortalis famæ collectâ messe, Martialem effudit Spiritum.  
IACOBVS de Strussy STRVS Capitaneus Chmielnicensis,  
& fortis & fortunatus Bellator, quoties infestas barbarorum  
vidit turmas, toties fugavit, triumphavit. GEORGIUS de  
Strussy STRVS Asiæ terror, & Europæ communis amor,  
invictô animi sui robore utrâq; Fortunâ major. NICOLA-  
VS de Strussy STRVS, Haliciens, Colomiensis, Sniatynen-  
sis, Lubacoviensis, Capitaneus, heroica Virtutis prodigium, in  
promiscuo hostium confluxu, Livonum, Hungarorum, Vala-  
chorum, Getarum, Moldavorum, Otthomanorum acerrimus  
bellator, toties triumphavit, toties pro integritate Patriæ inca-  
tenatum egit obsidem, ut verus Patriæ Civis, genuina Gradi-  
vi Proles apparuisset, & pro tot tantisq; invictæ fortitudinis  
documentis à Serenissimo SIGISMUNDO III. Senatoriam  
Purpuram meruisset. ERASMVS de Strussy STRVS  
Fabius Lechicus, mille elogijs vel ideo celebrandus, quòd cùm  
ab honoribus ambiretur, illos fugeret, quia omnibûs maior erat,  
& hereditariâ Illustrissimæ DOMVS Suxæ contentus gloriâ, cha-  
lybeo mucrone immortalia sua facinora secutura notavit poste-  
ritati. Belli fulmen alter ERASMVS de Strussy STRVS Pro-  
avus Tuus Illustrissime Domine, ferreus in prælia Heros, non  
armis, non jaculis cedere sciens, per medios hostes, per mille di-  
scrimina volans, & aetatem Marti, & vitam Patriæ conse-  
cravit. Honores fugiens, ad victrices palmas gyganteò cucur-  
rit passu, & certare par, & mori pro Patria paratus. Felix  
& facundus auræ Prole ERASMVS, quinos in decus & præ-  
sidium Patriæ produxit Filios, cen Decios Potonos, quos vix Il-  
lustris ablaetavit Lucina, mox ad Martis genium educandos,  
pugnaci Bellona excepit sinu, & per continua bellorum discrimi-  
na, ferreos in hostium perniciem exercuit Heroes. Hinc PAV-  
LVS de Strussy STRVS in Exercitu Regni Hastatæ Cohor-  
tis Præfectus, Martiali Parentis Spiritu in ardua quæq; anima-  
tus, tot Cosacorum fugatis turmâs, tot Tartarorum profligatis  
Cohortibus, dum contra Prussos strenuè dimicat, tormentariò  
trajectus globò, salutem Patriæ vitam cum Sanguine victimavit.  
ERASMVS de Strussy STRVS & Nominis, & Virtutis  
Paterna ex asse hæres, diuturnis bellorum attritus laboribus,



*scythica barbariei in immortale cessit spoliū. Nempe atrox  
Tartarorum perfidia fortibus inhians Viris, ferratum Virum  
ERASMV M, pro millenis ab eo sibi illatis cladibus, nobilem  
pradam in Tauricam abduxit. NICOLAVS de Strussy  
STRVS magnanimus Hector pro Nativa excubans Troja,  
innumeris Prussorum confossus telis, in Arena Martis tumultum  
naetus, quia nisi millenō vulnere generosum animum efflare po-  
terat. SIGISMVNDVS de Strussy STRVS juratus Scytharum  
hostis, non tam eorum Sagittis, quibūs celerior fundebat  
hostes, quā continuīs lassatus Victorijs, hereditarij STRVS-  
SORVM morte, in sinu Martis occubuit. Nempe quibus in  
medijs Lucina posuit cunabula Castris, in Castris etiam tumultos  
Libitina parat, ut rarum de Illustrissima STRVSSORVM  
DOMO invenias Virum, qui non in Acie Martis occumberet.  
ANDREAS de Strussy STRVS Avus Tuus Illustrissime Domi-  
ne, vix natus, jam Marti notus, quia comes individuus, cujus  
magnanima Virtus, & infractum heroica fortitudinis robur, in-  
ter continua bellorum eluxit certamina, ut nullus Patriæ fuisset  
hostis, qui vel ad Solam STRVSSII NOMINIS recordationem,  
infandum millenarum cladium non renovasset dolorem. Hic præ-  
ter quaternarium Filiarum numerū IOANNEM ALEXAN-  
DRVM de Strussy STRVS Tuum æstimatissimum Genitorem,  
majorem & fortunatiorem Macedone reliquit Bellatorem. Qui  
Prætextæ sagum anteponeus, pro materno lacte hostilem sitiens  
cruorem, generosam in armis exercuit indolem, & Paternis in-  
sistens vestigijs, cruentis negotijs Martialem excoluit animum.  
In Castris domesticus, periculis enutritus, hostibus in terrorem, Cō-  
militonibus in amorem, Regibus cessit in delictum. Spectavit non  
sine cordis sui oblectamine SERENISSIMVS VLADISLAVS  
IV. REX Poloniarum, infractum periculis bellisq; IOANNEM,  
& supremis cumulasset honoribūs, nisi ille mereri honores, quā  
possidere gloriosius ducens, eosdem refugisset. Hastatus, imō to-  
tus ferreus Heros, tot infestos Patriæ hostes coevā Majorum su-  
orum Virtute profligavit, jam ad Pilawce, jam ad Zbaraz, fal-  
catus Miles, millena Cosacorum Tartarorumq; demessit Ca-  
pita, & mitius sapere edocuit. Vidit suæ Majestatis Tutatorem,  
Suetici Martis adustus ardoribus SERENISSIMVS IOAN-  
NES*



NES CASIMIRVS Poloniarum REX, & iam in gaudia effu-  
 sus, jam admiratione defixus, magnanimam illius intuebatur  
 dexteritatem, qui non tam celeri sonipede, quàm feruidò Martis  
 concitatus Spiritu, in medios ruebat hostes, illos & cruentatò cæ-  
 dendo mucrone, & invictò animi sui robore fugandò. Plurimos  
 scilicet Gothici Martis satellites, aut victore prostravit gladiò,  
 aut vivos, sui ausus daturos panas, in Castra duxit. Fatale de-  
 in Hungarorum, Cosacorum, Scytharumq; fulmen, ad Bereste-  
 czko rare fortitudinis edidit specimen, cùm singulari certamine  
 binis prostratis hostibus, terrore ipsò exanimatum tertium Duci  
 in tributum, & in sue fortitudinis obtulit documentum. Nec  
 novit aliter, nisi victis Patriæ hostibus, amicos sibi conciliare.  
 Inter Martiales ignes educatus, Conjugalibus etiam indul-  
 get tedis, & Pretiosissimam Erythrei RVPNIEVIANI Gemmam  
 ZOPHIAM, veriore Orbis Poloni Pulcheriam in sociam vita,  
 fortisq; heredem admittit. Necdum tamen Bellonæ divortium  
 indixit, imò perpetuâ eidem adstrictus societate, vitam ipsam  
 radiosam duxit sine certamine. TE verò Illustrissime DOMI-  
 NE dum encomijs aggredi tento, percellit pupillam Illustrissimi  
 NOMINIS TVI splendor, & immensa rectefactorum TVO-  
 RVM moles debilem premit Facundiam. Vix namq; primam  
 aspexisti lucem, jam vel ipsò infantili vagitu præbuidisti documen-  
 tum, qualis quantusue futurus eras. Hinc puerilia respuens  
 crepundia, reptabas per scuta Puer, jam ad Scythicas pharetras,  
 jam ad chalybeum mucronem teneram extendendo manum, &  
 ad Sangvineæ Martis opera tenellò pectore aspirando. Et ubi  
 firmiori stesisti passu, ubi fumosas Majorum Tuorum Ceras, &  
 heroicâ manu detracta hostibus vidisti spolia, è Matris, in Martis  
 sinu fugere, ab Illustrissimæ DOMVS TVÆ splendoribus, ad tri-  
 umphales Gradivi ignes anhelò festinare passu statuisti. Placuit  
 tamen Martialibus triumphis eruditò præludere certamine, &  
 ex capitali hoste ignorantia triumphare. Unde ad Regni Scho-  
 lam, ad Iagellonicam properasti Palæstram. Videre erat senio gra-  
 vem ad Illustrissima TVA FLVMINA Academicam renasci  
 Palladem, & inexplicabili plausu, ac immensò animi tripudiò,  
 dulci FLVENTORVM TVORVM susurro recreari. Atq; in-  
 ter Grammaticos Casus optimè firmatò ingenio, Musarum con-



sortio TE adjunxisti, qua Castalios linguendo Fontes, nectareas  
TVORVM FLVMINVM captarunt undas. Postquam v. ò  
Tullianos Campos TVIS inundasti FLVENTIS, mox quasi in  
Elysios mutati, nil prater rosas proferebant, in TVÆ virtutis  
coronamentum. Viruit amanius Arbor Porphyriana, TVIS  
irrigata FONTIBVS, nec se sterilem putavit, ex qua TV mil-  
lenum Eruditionis fructum collegisti. Et cum Iagellonica Pallas  
TVO delectatur vultu, TV Martem spirare, & armigeram  
sectari Bellonam incepisti. Vnde ex Literaria in Martialem  
translatus arenam, pro acumine hastam, pro calamo chalybeum  
vibras mucronem, pro Oratorio lumine, triumphales accendis  
ignes, pro septa hostilem fundis cruorem, non jam Rhetoricis  
Gradationibus, sed palmari passu, ad Victrices tendens Lau-  
reas. Stetit attonitus Mavors, ubi in tenello pectore TVO no-  
vum nasci spectavit Achillem, quem nec milena terrere pericula,  
nec improbus fatigare labor, nec deniq; ardenti votò pro Patria  
mors expetita, ab heroicis ausibus poterat abstrahere. Ruelas in  
pericula animosior, sternebas hostem dexterior, palmas ubiq; col-  
ligebas gloriosior, ut jam infestus Tartarorum Cohortibus ine-  
vitabilem ictum, jam rebellibus Colacorum turmis infallibilem  
inferres cladem. Erubuit pallida Orientis Luna, cujus superba  
cornua jam ad Viennam, jam ad Strygonium victore attrivisti  
gladiò, ut Orbi Austriaco in miraculum, Otthomanis in terro-  
rem, Patriæ in gloriam, SERENISSIMO IOANNI III. cessis-  
ses in amorem. Tot Laureis redimitus Heros, tot palmis glo-  
riosus Miles, post triumphales ignes Hymenæi accendisti sa-  
ces, & in ulterioris vite comitem ex Illustrissima SZCZEPA-  
NOVIORVM DOMO Orbis Poloni Artemisiam MAGDA-  
LENAM assumpisti, cujus Laudes & encomia ad calculum re-  
vocare si placeret, non brevis momenti sed grande seculorum esset  
negotium. Innuere satis esto, in ea natam esse DOMO, qua  
virtutum & meritorum splendore Polonum illustrat Orbem, &  
suâ Gentilicia CRVCE Lechici Imperij gloriam & fortunam  
contra fatorum malevolentiam protegit & consignat. Nondum  
tamen heroica virtutis exaruit vigor, nondum Martialis in  
TE quievit Spiritus, semper ardentes Gradivi flammæ magna-  
nimò fovebas pectore, ut & Civem in Patria, & Militem  
pro



pro Patria gereres, & quoties salus publica reposceret, vitam  
 cum Sanguine fundere esses paratus. Nec minus ingenio quam  
 manu fortis, ubi arma posuisti, Consilijs Patriam tueri non de-  
 finis. Vidit Orbis Polonus, maturam Animi TUI prudentiam,  
 dum toties ad Generalia Regni Legatus Comitia, optimi Civis  
 gerebas Nomen. Vidit Sacra Themis iustissimum sua Bilancis  
 Moderatorem, dum ad Supremum Regni Tribunal Deputatus  
 Iudex recti & equi arbiter, nonnisi in scelera iustitiae vibrabas  
 gladium. Candidum virtutu pallium si quando induunt vitia,  
 sub TE Iudice erubescere cgebantur, qui inter fas & nefas li-  
 matâ Iudicij TUI dignoscens maturitate, vitijs castigatis inno-  
 centiam tuebaris, ut scelerum vindex, Virtutis acerrimus pro-  
 pugnator dici meruisses, Pretiosas Animi TUI dotes aestimans  
 Inviictissimus AVGVSTVS II. Poloniarum REX emeritam  
 Virtutem TVAM Senatoriâ ornavit Purpurâ, & ad intima  
 sui Pectoris admisit arcana. Quanquam iste honor infra TVA  
 merita, non TE ornat, sed à TE ornatur, ut meritò Virius TVA  
 injuriatam se queri posset, nisi ad innatam TIBI modestiam esset  
 composita. Novit optimè impar licet TVIS meritis honor iste,  
 in quantum à TE elevatur fastigium, & posterorum timet invidi-  
 am, quòd parem TIBI non habebit Possessorem, qui Virtu-  
 tum splendore, meritorum claritudine, Iudicij maturitate, Pa-  
 triæ gloriam, Senatûs Authoritatem, Curulus TVÆ auge de-  
 corem. Caput nempe TVVM aurum optimum, Eruditionis  
 domicilium, maturioris Iudicij sedes, Legum Patriarum Archi-  
 vum, virtutum deniq; omnium Regia. Quidquid loqueris, au-  
 rô Cedroq; notandum, quidquid cogitas, aternitatem sapit, quid-  
 quid agis, Posteris imitandum. Quid de profusa liberalitate TVA  
 ascam? cujus praeceptis manus Fluvios exsuperat lberos, semper in-  
 egenos aurea dona vomens, ut totus cum TVIS Illustrissimis  
 FONTIBVS in omnium commoda effusus videaris. Ad hanc  
 splendoris DOMVS TVÆ plenitudinem, non minora Orbis Po-  
 loni Lumina naturali spectant lure, Illustres ac Magnifici Do-  
 mini: ALBRACHTVS de Strussy STRVS Vexillifer Terræ  
 Vielunensis Germanus Tuus, qui ab ordinario Majorum suo-  
 rum non recedens tractu, per cruenta Navortis negotia, ad pe-  
 rennem gloriam NOMEN suum provexit, & cum effuso hostium



*Sanguine in posterorum memoriam influxit, JOANNES de Strussy STRUS Dapifer Trębovoliensis Patruelis Tuus, qui Illustrissimæ DOMUS suæ coruscis splendoribus, in Aulis Magnorum Principum, ad politioris sæculi genium, primam excoluit ætatem, ac Legum Patriarum in Regni Cancellaria Scrutator, Nominis sui gloriam perennibus inscriptis fastis. MARTINUS de Strussy STRUS Subdapifer Latyczoviensis alter Patruelis, vera Majorum suorum imago, per mille bellorum discrimina, Victrices capeffuit Laurus, pro suis immortalibus meritis nunquam dignè à Patria decorandus. Graditur vestigijs TVIS Aurea in pretium Orbis Poloni Proles Perillustris & Reverend: Dominus ANTONIUS de Strussy STRUS Præpositus Mstyczoviensis, Natus Tuus, qui maximis honoribus accendit desideria, quia ab omnibus appetitur, magnū olim Ecclesiæ & Patriæ decus, futurus. JOANNES & FRANCISCUS Filij Tui, quos ad deliciū & vota præstolantis Patriæ, ad decus & invidiam honorum, Jagellonica Pallas eruditō fovet sinu. STANISLAUS de Strussy STRUS Tuus ex Patruelis Nepos, qui in Campo Tulliano Eruditionis colligit Flores, in Orbis Poloni decus, & sui Nominis coronamentum. Subsequuntur non devio passu Lectissimæ Filix Tuæ: ALEXANDRA de Strussy TOMICKA, Avitam TOMICCIORUM NAVIM mercibus ditans pretiosissimis. PETRONELLA de Strussy DĄBSKA, quæ Gentilitiam DĄBSCIORUM ARBOREM Virtutum suarum fructu fecundavit. Crescit amplius NOMINIS TUI gloria in HELENA & MARIANNA, hæc ad Cordis TVI deliciū, & Illustrissimæ DOMUS TUÆ ornamentum, teneram excolit ætatem; illa, inter Sacras Vestales Divini amoris Ignem, & Seraphicas FRANCISCI fovet Flammas. Ingens labor esset antea, Etā revocare sæcula, & millenas DOMUS hujus Heroínas strictiori recensere calculo, per quas ad Illustrissima FLUMINA TUA milliæ Altissimarum Familiarum Sanguinis influxere Fontes: Herburtorum, Mezikorum, Szembeciorum, Rupniewsciorum, Bidzinsciorum, Otfinowsciorum, Ożarowsciorum, Kotkowsciorum, Piegiowsciorum, Dobinsciorum, Lubieniecciorum, Karwowsciorum, Raszowsciorum, Strzaŝorum, Pałusciorem, & si longiori computabimus syllabō, tota sese Orbis Poloni sinuabunt decora, quæ cum Homeri Iliade comprehendere nequeant, in Te omnia clauduntur. Quare VICTOREM HERCULEM, inter Triumphatricis DOMUS TUÆ repagula, serenā suscipe Fronte, qui TIBI Calum ipsum ad TVA vota inclinabit; ut semper in Honorum meridie felix & incolumis longos ducas sine nube dies. Ita precatur.*

**Illustrissimi Nominis & Honoris Tui.**

*Devinctissimus Client.*

**Author Operis.**





# ORATIO.



Ocales & Orbe totô decantatas D. JOANNIS à CRUCE laudes, condignô deprædicare eloquiô, aut nulli, aut sumis tantûmodô concessum ingenijs AA. Eò namq; Virtutum JOANNIS processit gloria, ut pares suis elogijs non inueniat oratores. Ore Prophetico Zachariæ opus est, ubi JOANNES prædicandus. Vox Clamantis JOANNES, non mutam requirit svadam, quæ suis sufficeret encomijs. Millenas spiret gratias dictio necesse est, ubi totus JOANNES gratia. Gravi Verborum pondere, quod Angelicæ MICHAELIS respondeat bilanci, JOANNIS Magnitudinem libret facundia, alias à districto PRINCIPIS ANGELORUM mucrone, periculum expertura. Humile dicendi Genus & inculta exulet hinc dictio, ubi in Angelica Domo pro Honore JOANNIS perorandum. Proinde exundantia Oratorum arescunt flumina, ad immensam Virtutem JOANNIS



vastitatem. Non tam sævô rigentis brumæ congelati frigore, quàm ad Angelicam JOANNIS puritatem attoniti, sistunt cursum Exordiorum Fontes, quòd illius laudes & ordiri difficilè, & finire nunquàm valeant. Quæ enim Rhetorica subsistet Gradatio? ubi alter PRÆCURSOR DOMINI laudibûs celebrandus? quæ protensæ Schinorenes Cælo conterminam Virtutum JOANNIS sublimitatem merientur? Totam licet Regina Animorum Eloquentia exuat purpuram, ad huc tamen ad Candidum ELIÆ Pallium erubescet. Nullô scilicet dictionis splendore, nullâ styli elegantia, intaminatum Virtutum JOANNIS augebit candorem. Vilescit phalerata verborum pompa, quia JOANNIS tota in Cruce gloria. Obmutescat potius altôq, attonitus obfigillet ora silentiô Tullius, ubi Virtutes JOANNIS Cruce signatæ. Perpetuam Sustentationis observet Figuram, cùm laudes D. JOANNIS si inchoaverit, recensere & finire nunquàm valeat. Adeoq; pro Domo JOANNIS nullus eloquens Orator, in cujus laudibus etiam Cælestes hæsitarent Intelligentiæ. Verùm quid agis imbellis svada? itanè vocalem JOANNIS famam altô præteribis silentiô? itanè gratioso JOANNIS NOMINI vestigalem devotæ Panegyris non tribues censum? itanè ubi totus JOANNEM festivis laudibûs attollit Orbis, sola in mutam Memnonis obrigesces statuam? assurge in meliores ausus, & si quid animi viriumq; possides, immensa licèt encomiorum JOANNIS decurre Olympia. Rigidô Decembris gelû constricta Tulliana si incusas fluentia? adsunt Elianæ  
Flam.



Flammæ, quibûs liquefacta, plenô in laudes JO-  
ANNIS exundent littore. Lumina Rhetorica  
si defunt? ab ijsdem Flammis splendorem Oratio  
derivabit. Acuet stylum districtus ELIÆ Mu-  
cro, & niveum Ejus Palliû nudam ornabit dicti-  
onem. Sublimem Virtutum JOANNIS cel-  
situdinem, si Rhetoricis Gradationibûs assequi  
non valebis? sive volucres pennas, sive trium-  
phalem velis Currum, utrumq; SERAPHICUS  
PATER non negabit. Et jam feliciore SIDE-  
RUM CARME LI influxu fœcundata, & San-  
ctioris Promethei Eliæ Flammis animata Facun-  
dia, è Rhetoricis Floribus nectit JOANNI elo-  
gia. Phœnicem in Rogo Crucis Elianâ Ignibûs  
ardentem, aut Phœbum inter SIDERA CAR-  
ME LI refulgentem, aut fulgur è Nubibus CAR-  
ME LI erumpens, Orbem totum illuminans si No-  
minavero JOANNEM, omnes hos Titulos vel  
adæquat vel exsuperat, utpote, qui pretiosissimæ  
Cruci adstrictus, inextingvibili Divini Amoris  
continuò flagrabat incendiô, ex quo formosior  
indiès Virtutis evolabat proles, & è Nativa CAR-  
ME LI nube ut fulgur erumpens inferni Gygantes  
fulminabat. HERCULEM tamen Triumphali Cru-  
cis Clavâ monstrorum Erebi VICTOREM D. JO-  
ANNEM ex Oratorio suggestu audietis. Patie-  
ris D. JOANNES Herculis Te intitulari Nomine,  
& debiles ingenij mei vires, cā quam Nominè  
geris, fovebis gratiâ. Date animos mentesq;  
Vestras VICTORI HERCULI in Triumphum  
AA. & benevolas dictioni præbete aures.

Cara Deûm soboles & non ignava Tonan-  
tis progenies Hercules, quæ quantaq; gesserit,



plena antiquitatis monumenta, plena Pòëtarum volumina. Vix genitus ille, primis lacrymis & infantili vagitu horrenda conterruit monstra, & fascijs ligatus Puer venenatos diripuit serpentes. Inde crescentibus annis immensum virium crevit robur, ut jam Erimantheum aprum, jam Lerneam Hydram, jam Cretæ Taurum, Nemeum Leonem, domitrice Clavâ prostraverit. Norant illa Orbis Portenta Gygantes invictam Herculis fortitudinem, & licet à Terra Vires roburque sumplerit Antæus, illius tamen dexteræ succubuit. Quinimò fatigatò Orbis bajulatore Atlante, ruenti Cælo infractum supposuit humerum, & sub tanti ponderis nunquam sudavit machina. Tanta corporis fortitudo! tantum animi Herculis robur! ut & Gygantes prosterneret, & Cælum infatigabili sustentaret lacertò, ipsos denique inferos everteret. Verum exesto hinc fabulosæ Pòëseos somnium, & jactabundæ antiquitatis Chimæra, ubi Veriorem HERCULEM D. JOANNEM à Cruce supplex dictio veneratur, ad cuius non fictum robur, si ventosæ laudationis Spiritu animatus surgeret Hercules, Nomen potius mutare deberet, quia vires nostri HERCULIS adæquare non posset. Non Olympicò Iove, sed & Virtutum nitore & Generis claritate Dijs proximò PARENTE CONDIALVO prodijt in lucem novus HERCULES, pro fabulosa Alcmena, veriore Pulcheriam CATHARINAM nactus GENITRICEM. Vix in ortu vitæ conspexit IOANNEM Erebus, jam sibi fatalem præfagiens occasum, Infantem extinguere conatur, cui pro inimica Junone, infensam in odia accendit The-



tidem. Tentavit inflata undarum Domina de libro Viventium delere JOANNEM, quem ad sui regni littora puerili colludentem virgâ, an potius domitrice Clavâ, infestis hausit fluctibus. Ast irrita fatorum Vota, unicô aquæ Elementô opprimi non poterat, qui olim totius Orbis machinam erat portaturus. Luctatur cum fluctibus Pusio HERCULES, & non jam in angvibus, sed in amnibus suam probat fortitudinem. Vicit tandem undivagam Thetidem, & pallidam rubere fecit, quòd totô procellarum impetu in Infantem adhuc nihil posset JOANNEM. Fremitu vasana Inferni rabies, primosq; contra HERCULEM insultus fractos & elusos advertens, repetitô impetu IOANNEM arietat, suamq; in eo vindicatura injuriam, iterum fallente vestigiô in profundiorẽ putei detrudit cavernam; ut extingvat. Exhorruit ad iteratum cum Hercule nostro compulsã certamen Thetis, & jam aliã Victã, furorem ad modestiam componens, nihil contra IOANNEM moliri præsumpsit. Imò mutatis naturæ legibûs, siccô vestigiô & mitiore eundem excepit sinu. Stetit palmari passu in fluctibus, & triumphali pede fatorum depressô conamine, Victor cum triumpho, tenellus redijt HERCULES. Et jam toties inferni elusã astutiã, toties fatorum retusô impetu & furentibûs undarum superatis fluctibûs Victor almã pace forsitan quiescet IOANNES? jam debilitata Erebi potentia amplius cum HERCULE nostro congregi non præsumet? minimè, en iterum resumptis post cladem viribûs novum illi indicit certamen, & ex coacervatis inferni le-



gionibus funesti belli reparat nervum, ut in prima ætate HERCULIS nostri robur eneruet. En lethifer draco squallidò horrendum Caput efferens antrò, viam metienti occurrit IOANNI, suoq; impetui sustinendo imparem putans, volucris passu in arenam provocat. Stat præ oculis immanis bellua, venena spirans, ut in furorem agat HERCULEM, irarum evomens ignes, ut animum IOANNIS percellat. Micant infernali flammâ oculi: ut mentem perstringant, totam trifauci ore fovet vulcaniam: ut vel ad hos ignes, tenellum IOANNIS pectus timore obrigescat. Quid ages DIVINISIME Pulio? paratum in stadio cernis hostem, qui suæ Victoriæ gloriam, Te prædam exposcit, hic Tibi aut vincendum aut moriendum est, leva Triumphalem Crucis Clavam, & secundò omine cum hoste congregere. HERCULES non es, si hanc inferni hydram reformidas. Necdum dixi, fecit IOANNES, qui timere nescius, Gygantem, animum angustò versans Corpore necdum Vir jam Victor, necdum Triumphus capax, jam Triumphator, necdum arma levare potens, jam hostem sternere valens, non districtò mucrone, nec minaci pilò, sed triumphali Crucis Clavâ averni Principem draconis specie indutum, victore aggrediens passu triumphavit adeò strenuè; ut illum in turpem cogeret fugam, & se Dominatorem monstrorum HERCULEM demonstraret. Septennis Puer IOANNES, tantâ clade stygium profligavit hostem! qui ubi adoleverit, cum tota maledicta Cohorte inferi formidate. Tot Laureis redimitus Victor, ad Mu-  
sa.



farum properat lucos, non ignorans etiam literariam arenam copiosam Laurearum proferre messem. Hinc à Pallade hastam, ab Apolline mutuatus pharetram, contra ignorantiae Taurum & Aprum eâ pugnavit dexteritate, quæ Herculeis Viribus digna foret. Inter Grammaticos Casus stetit immobili passu, nunquam in vitia flecti, semper à malo declinare sciens. Ad saxeam Parnasti rupem optimè firmato ingenij robore, cum ipso certare non abhorruit Apolline, cuius dulcisonam sprevere Musæ Cytharam, ubi sanctior in Parnasso cecinit Vates. Ex Parnassi collibus cum Musarum planctu, cum Tullij plausu in Eloquentiæ prodiens Campum, non magis Eruditionis quam Virtutum colligebat flores, continuam in probitate formans Gradationem. Non jam cum Hortensio rosas, sed solas spirabat gratias, totus gratia IOANNES. Gestit Porphyrij arbor, & sponte sua folia in Ejus virtutis & verticis necebat Coronam. Stetit attonitas undas admirabundus Euripus, quod in majorem inciderit Stagyritam, quem non cepit, sed exhaustit IOANNES. Hinc consummatus Philosophus cornuta formabat Dilemmata, quibus scelera arietare, inferni malitiam expungere, mundumq; rebellem posset expugnare. Hostis in caput mundi IOANNES plurimis ab eo captatur illecebris, ut amicam in fædus porrigat dexteram. Totum sese in obsequia IOANNIS effundit Orbis, & omnem pretiosioris fortunæ eviscerat supellectilem, jam immensas opum copias, jam excelsa honorum fastigia, offerendo, ut vel his fortunæ crepundijs invictum IO-



ANNIS animum demulceret. Verum apage  
hinc fallacis Orbis astutia, cereis in vitia flecti  
hæc suaseris, non ferreo IOANNI. Inviectus  
HERCULES est, triumphum & Victoriæ non  
divitias exposcit. Midæ Cræsoq; aurum, HER-  
CULI supplicem ad plantas pone verticem. In-  
ter hæc blandientis mundi lenocinia, velut alter  
Vlysses clausit aurem, nec se astuti Orbis illece-  
bris emolliri permisit. Virtutis luce contentus  
IOANNES excelsa honorum sprexit culmina,  
+ aliò quàm Sanctitatis nitore splendescere non  
exambiens. Et benè, quid enim sublimium di-  
gnitatum Culmina! nisi fortunæ malignantis ful-  
mina, quibûs miseri competitores in altum elati  
graviores lapsu in profundam ignominie abyssum  
præcipitantur. Quid dignitarij honorum fasces,  
nisi serviles fasciæ an fustes? quibûs ambitiosi mor-  
taliæ animi constringuntur. Regalia Sceptra,  
Ducum Clavæ, pro gemmis lacrymas non rarò  
ab oculis eliciunt, & in vapulatorias degenerant  
virgas, quibûs fastuosa non rarò cæditur ambitio.  
Novit perbellè D. IOANNES nullibi magis li-  
beros animos sollicitis vexari curis, quàm in Cu-  
ria, & in ditissimis fortunæ angustaliis, mole-  
stis mentem torqueri angustijs, dignitarias Impe-  
ratorum Purpuras non tam Tyriò murice, quàm  
sanguinei sudoris rubere purpurissò, & ab aureis  
Regum malis pessima quæq; provenire. Quare  
virtutis nitore postposuit hæc omnia IOANNES,  
sublimia Honorum fastigia fastidivit, & trium-  
phali calcaneò superbientis mundi depressò fastu,  
festivum Victor cecinit triumphum. Victorem  
vel inde agnoscite HERCULEM AA. Vidit  
hor-



horribilem Antæum mundum, qui evanidis jactantia inrumescit vaporibus, & vicit: spectavit expu-  
pillatū monstrū Fortunā. quæ fallacia opum & ho-  
norum proponebat ænigmata, & prostravit. Vixit  
in mundo mundi hostis Capitalis, totus mundus,  
quia mundanum nihil participans. Et licet Orbem  
incoleret, nunquam tamen in scelera rotari scivit.  
Et jam viluere HERCULI nostro mundi angustia,  
aliū quærit Orbem, cujus animi majorem Mace-  
donæ amplitudinem hic capere non poterat. No-  
vum dum quærit Orbem IOANNES, Cælō ipsō in-  
dagatore invenit, dum antiquissimam CARMELI-  
TANAM ingreditur Religionem. Scandit excelsū  
stellati CARMELI verticem IOANNES, ut eò me-  
lius fallacis mundi astutias, quas iterum vinceret,  
valeat intueri. Igneum flammigeri Prophetæ Eliæ  
arripit gladium, ut hostem animæ triumphet, Triū-  
phalem apprehendit Crucem, ut hanc domitrice  
Clavā inferni monstra profliget. Benè imò optimè  
ad Genium Cæli sapit IOANNES, ubi ad Cælicū  
instinctum, à fatuis malignantis mundi ignibus ad  
Sanctiora CARMELI properat Phænomena. A pu-  
blico sole Religiosas petit umbras, ut quò obscuri-  
or, eò clarior evadat, & quò à terra remotior, eò  
Cælo propior existat. Stetit in supremo CARMELI  
vertice, ut eò commodius, immensæ Cæli CAR-  
MELITANI machinæ, post Atlantis Eliæ recessum  
bajulatorem supponeret lacertum. Cavete furibū-  
dæ Principis tenebrarum legiones! cave perfidi  
Orbis astutia! ubi HERCULES DIVINISSIMUS tutū,  
quia sublimem CARMELI occupavit locum, & di-  
strictum Eliæ mucronem, & triumphalem Crucis  
Clavam, præstò habet. Cane; cane jam Triumphū  
D. HERCULES, dum in sublimi positus, Orbem  
D  
supe.



superasti, Cælos humeris sustentas, terram victore  
premis calcaneo, inter Sidera CARMELI translatus,  
quæ Tibi Triumphales accendant ignes. Sole cla-  
riores modestiæ umbris obductas JOANNIS Vir-  
tutes, vel ad Astrorum CARMELI lucem spectate  
AA. In Cælo hoc terrestri nihil terrenum sapit,  
verus in Carne Angelus, dum candidam Eliæ  
vestem, simul & vitam induit. Quidquid loquitur,  
Oraculum, Cæli aure dignum, quidquid agit, pro-  
digium ad Orbis stuporem, vel heroicum opus ad  
terrorem. Et licet lucidissimus Virtutum JOAN-  
NIS fulgor totum illustrasset Orbem, illum tamen  
jam CARMELI velare nube, jam innatæ modestiæ di-  
dicit involvere sipario, ut Orbis oculum fugeret,  
Soli Cælo visendus. O summâ modesti animi hu-  
militatem! o humilē JOANNIS modestiam! quô  
nemo major, nemo minor, quô nemo vocalior,  
nemo taciturnior. Cum Sanctitate maximus, Sa-  
pientiâ altissimus, Religione Sanctissimus esset JO-  
ANNES, nihili se reputat, imò humanô Nomine  
dignum se esse negat. Et benè; Angelus enim In-  
carnatus erat, qui præter carnem nihil humanum  
retinebat. Auri Sacra fames cum alijs fortunæ ac-  
cendat sitim, JOANNI nauseam peperit, qui for-  
tunæ postpositis splendoribûs, Sanctior in egestate  
Cræsus, in paupertate Midas, in angustiis augustus,  
in Religiosa Cella totum Cælum possidebat. Hinc  
mundum temnere assuetus JOANNES etiam Sa-  
cros in Religione fugiens honores, nullis se emi-  
nentijs illigari permisit, sive ut ab omni Vinculo li-  
ber, Soli DEO mancipatum victimaret animum,  
sive ut cum esset HERCULES, ad pugnas & vin-  
cenda monstra promptior existeret. Tendit ergo  
ac Sidera vertice ferit, levis, quia nullô imperfe-  
ctio-



Etionis gravatus limô, ut Sanctitatis attigit culmen,  
etiam profundissima Theologicæ scientiæ arcana,  
tantô ingenij penetravit acumine, ut quod alijs nun-  
quàm capere permissum, JOANNI cuncta etiam  
occultissima Cælorum Mysteria ab ipso supremo  
Magistro essent demonstrata. Consummatus The-  
ologus JOANNES, concordibûs votis & vocî-  
bûs Patrum ad Sacri Sacerdotij munia promovetur.  
Verùm spectate AA. Invictus HERCULES noster  
puerascit, & qui toties Gygantem superavit Orbem,  
toties ferocem Carnis edomuit Taurum, toties de-  
niq; horrenda inferni vicit monstra, ubi ad Sacer-  
dotalis dignitatis excurrendum fastigium, trepidat,  
& audax olim, ne passum quidem movere audet.  
O profundam JOANNIS humilitatem! ô summâ  
Divinæ Majestatis reverentiam! quem honores am-  
biunt, ille renuit, cui millena Sanctitatis & sublimis  
Eruditionis documenta albô honorem denotant cal-  
culô, profunda humilitas obijcit vilitatē. Aude ta-  
men JOANNES, & perge quò superi vocant, quò  
Religiosa urget vocatio. HERCULES es! post tot  
absoluta certamina, post tot devictos hostes, San-  
ctioribûs hostijs litare debes. Fecit tandem JO-  
ANNES quod optimi voluere superi, incruentam  
Cælis obtulit victimam, ipse Divini amoris holo-  
caustum; verè sacerdos, quia dotem virtutum  
præferens Sacratissimâ. Sive enim ad Sacratas Divi-  
no cultui aras, sive ad eruditas Cathedras spectabi-  
mus JOANNEM, & ibi Mystes Sanctissimus, &  
hic DOCTOR Sapientissimus. Fulminavit scelera  
è Sacris Exedris, Sanctior Pericles, quot literaria  
puncta, tot vitijs puncturas infligendo, quot Schi-  
notenes, tot funes nectendo; quibûs ligaret & ver-  
beraret pravitatem, quot subilia Argumenta, tot



acuta vibrando tela, quibûs metuenda hæreseos  
monstra profligaret, expugnaret. Judex Spiritua-  
lis JOANNES, omnem damnavit improbitatem,  
proscripsit scelera, ut vel ad ipsum JOANNIS con-  
spectû, solutis in lacrymas saxeis peccatorum men-  
tibûs, tot Capitalium vitiorum monstra Erebo pro-  
fundius dehiscerent, sive quod gratiosum JOAN-  
NIS vultum intueri, sive potentem victoris HER-  
CULIS manum ferre non possent. Spreti jam alias  
& victore JOANNIS animo contempti honores,  
iterum sese JOANNI offerunt. Nempe millena  
Fratrum CARMELI in Diviniorem HERCULEM  
conspirant vota, non ut vincant, sed vincantur, &  
ab ejus dependeant nutu, & qui se omnium infimum  
humili profitetur judiciô, Primus constituitur. Lu-  
ctatur fortius cum honore JOANNES, & cum  
à Virtute satis illustrem derivaret splendorem, ho-  
norum Titulis clarescere noluit. Victus tandem  
blandis votorum prælijs HERCULES Noster, im-  
positum humeris suscipit onus. Et licet ad CARME-  
LI Primatum accederet, non tamen virtutis resi-  
gnavit Principatum, quin ab hoc honore, in meli-  
orem mutaretur. O faustas CARMELI vices! cui  
gratiosus præsidet JOANNES, qui & præesse mi-  
tissimè & prodesse optimè novit. Exultavit ut  
aries Mons CARMELI, ubi se infracto Alcidae D.  
sensit incumbere brachio. Nativa CARMELI Sidera  
pleniore radiabant lumine, ad virtutum JOANNIS  
meridiem. Sed ah periculosa nimis honorum Cul-  
mina! vix in vertice CARMELI spectavit JOAN-  
NEM, furit iterum toties profligati stygij hostis re-  
bellis insolentia, & jam occultas, jam apertas ma-  
chinatur fraudes, ut invictum vincat HERCULEM,  
jam effrænatam mundi movet malitiam, ut in alta



Eliæ Sede positum IOANNEM deturbet. Nec mirum, imbelles nempe animas fervidus in prælia Mavors, in cruentam non provocat arenam, & ignem Tonantis jaculum vilia contemnit arbuta, sed ille invictum Hæctora, hoc Dodonææ Sylvæ annosam petit quercum, quod utriq; validus nonnisi placeat Antagonista. Horrendus ille Averni Gygas, licet irritò conamine invictum tentat HERCULEM. Et nè minus validò cum JOANNE congrederetur duellò, totam infernalium lixarum trahit cohortem, ut velut agmine factò immobilem prosternat. HERCULEM agnoscite, imò Herculis excessisse robur IOANNEM, cum ille contra duos nihil valeret, hic cum millena Inferni ageret manu. Et quàmvis tot sauciatus vulneribus, tot flagellis cæsus, succumbere debuisset, hoc tamen raræ HERCULIS nostri fortitudini ad gloriam cedit, quod Crucis Clavâ, & furibundam Acherontis compescuit velaniâ, & in Herculei certaminis documentum, roseas tulit cicatrices. Imò in profuso de innocuo Corpore purpurei cruoris Erythro Triumphale Crucis Signû in perennis gloriæ erexit trophæum. Jam forsitan Herculei laboris finem putabitis AA. quod terminalem in sui Sanguinis Oceano fixerit Columnam? minimè; in Colosso hoc, punctum posuit IOANNES, à quo infinitas Victoriarum ducet lineas, quia: Plus ultra, inscripsit, etiam cum motis inferni cardinibus, & cum effusa Stygis rabie certaturus. Irrugijt Infernalis Leo, quod toties confligens, toties profligatus ab HERCULE nostro, cum perenni opprobrio ringens extremè, in tristitia pelleretur cubilia. Inde jam à pessima in IOANNEM destitisset conju-



ratione, nisi cunctarum fraudum iniquus cum esset  
parens, vix maximis evitandum heroibus inveni-  
set tormentum. Apertò namq; cum nihil nocu-  
isset Marte HERCULI, occultis veluti fraudulen-  
tò Vlyssis astu, aggreditur dolis. Spectate AA. ad  
expugnandum JOANNEM mittit horribile mon-  
strum mulierem effrontem, quæ castissimo IOAN-  
NI impurum offert amorem, ut Divinum eripiar,  
oculis, nutu, blanditijs, etiam dum tacet disertissi-  
ma. Quid ages o Flos speciosissime JOANNES!  
en impura Venus malefanis ardet ignibûs, ut Tuum  
innocentiæ adurat candorem. Dulcem venenatâ  
linguâ porrigit ambrosiam, ut virulentò animam  
perimat toxicò. Dulcè canit fraudulenta Syren, ut  
æternò mortis sopiat lethargò, suavi verborum  
modulamine demulcet animum, ut animam dirò  
necis perstringat aculeò. At HERCULEM cre-  
dite JOANNEM, qui nec ferro nec igni cedere,  
nec venenatis Cupidinis Sagittis succumbere, nec  
cum Divini Amoris æstuaret Vesuviò, malefanis  
ignibûs aduri poterat. Imò Scopulus Virtutis mu-  
lier, ad ignem hunc mollescere, & in lacrymas re-  
solvi cæpit, quibûs mundanum ignem, quò malè  
arserat, extingveret. Et jam nondum tot laboribûs  
fatigatò HERCULE, debile Oratoris fatiscit in-  
genium. Quidni fatiscere debeat? ubi quò latio-  
ribûs in Laudes JOANNIS excurrit Gradationi-  
bûs, eò ampliora elogiorum illius stadia advertit  
decurrenda, quò celliore ad Culmen consumma-  
tæ Sanctitatis tendit clivò, eò se in profundiora  
retrusum declivia obstupefcit, ut vel inde invictus  
appareat HERCULES, quòd etiam ingenio-  
rum fatiget vires. At etiam HERCULES hic,  
post



post infinitos Victoriarum cûrsus ad æternam pro-  
perat requiem. Nempe cum nihil refragarium  
habuisset Orbi metuendus & Orco, ipsis Superis  
nunquam resistere ausus, Eorum nutu, in ferale  
cecidit Mausoleum, non morti, sed Cælo cessurus  
in spoliū. Inde quiescente à laboribus H E R-  
C U L E Sanctissimô, etiam Virtutum illius ma-  
gnitudine fatigatam Svadam quiescere est necesse.  
Necdum tamen Laudum I O A N N I S attigit co-  
ronidem, plura ille egit, quàm æternitas enarra-  
re queat, aut stupenda miracula perorare. Quem  
dum ego reverenter taceo, loquantur vel ipsi mu-  
ti, per I O A N N I S merita restitutâ lingvâ, vel  
mortui Divinâ Virtute per I O A N N E M suscita-  
ti, illius deprædicent magnitudinem. Applaudo  
gratulabundus Vestro honori & felicitati, Religi-  
osissimi C A R M E L I PATRES quibus ad heroicos ausus  
Divinissimus prælusit H E R C U L E S, & radiante  
Virtutum suarum splendore perennis gloriæ ac-  
cendit meridiem. Non degeneres Vos ab Her-  
culeâ I O A N N I S Virtute, suos Orbis adorat  
Domitores, ac in Victoriæ documentum, victas  
in triumphum porrigit manus. Formidat à lon-  
gè vel solam Nominis Vestri umbram Erebus, à  
quibus toties fusus, ad millena certamina solidô  
Virtutis armatos clypeô semper paratos cernit  
Athletas. Exultat in pace Militans Mater Ec-  
clesia, tantis stipata heroibûs, nullosq; Fatorum  
veretur impetus, ubi Vos pro sui Nominis gloria  
expeditos ad pugnas, quia nudô calcaneô, & hóc  
ipsô ocyores in hostem ruere advertit. Imò igne-  
os Vos Cherubinos ad terrestrem hunc Paradi-  
sum excubantes dixerim, quibus & amor Divinus



alas, & SERAPHICUS PATER gladium submini-  
strat. Vivum Charitatis spiratis Vesuvium, cujus  
flamma & habitum, & Animos Vestros lacteô de-  
pinxit colore, & Cælorum efficit Candidatos. In-  
gens Virtutum Vestrarum pretium, cum rudis æsti-  
mare non valeat dictio, Angelicæ MICHAELIS  
bilanci relinquit ponderandum.

Tu vero Divinissime IOANNES quem Or-  
bis Inviclum expertus HERCULEM, ruenti  
Polo Sarmatico fortem Protectionis Tuæ suppo-  
ne humerum, & contra hostium Gygantomachi-  
am, dexteram præbe Victricem. Sustenta Or-  
bis Poloni machinam, ne fatorum ictibus  
concutiatur. Gravescentem annis Almam  
Matrem Universitatem, solidò Favoris  
Tui tuere brachio, ut in Tuæ Gratiæ  
stabilita fundamento, nunquam in-  
casum declinet, sed semper Tuâ  
HERCULEA Virtute &  
Protectione, quævis  
adversa triumphet.

D I X I.









